

UNIVERZITET U SARAJEVU
Veterinarski fakultet
IZVJEŠTAJ O MEĐUNARODNOJ SARADNJI ZA 2024. GODINU¹

Izveštaj pripremio/la/li:

Rb.	Ime i prezime	Funkcija	Email
1.	Prof.dr. sabina Šerić-Haračić	Prodekan za međunarodnu saradnju	sabina.seric-haracic@vfs.unsa.ba
2.	Prof.dr. Ahmed Smajlović	CEEPUS VETNEST koordinator	ahmed.smajlovic@vfs.unsa.ba

Dodati redove prema potrebi

Molimo vas da napišete nekoliko rečenica u kojima ćete se osvrnuti na aktivnosti i inicijative vezane za internacionalizaciju koje su realizovane na vašoj (pod)organizacionoj jedinici tokom 2024. godine.

Odgovor:

Opći cilj aktivnosti u okviru resora međunarodne saradnje, a to je zadržati i unaprijediti status Veterinarskog fakulteta Univerziteta u Sarajevu kao renomirane, edukativne, naučne i stručne institucije u Bosni i Hercegovini, regiji i međunarodno.

Specifični ciljevi u kontekstu postavljenog općeg cilja definirani su kao:

- Strateški i na ishode usmjereno poboljšanje međunarodne saradnje
- Modernizacija i sistemsko normiranje visoko-obrazovnih i istraživačkih kapaciteta i prepoznatljivosti

Specifični ciljevi aktivnosti u resoru međunarodne saradnje postavljeni su sa očekivanim rezultatima: unpređenje kompetenci nastavnog i nenastavnog osoblja u komunikaciji, upravljanu projektima, timskom radu i identifikaciji opcija financiranja projekata, modernizacija opreme i procesa u nastavnoj, istraživačkoj, stručno-operativnoj i upravljačkoj operativi, te međunarodni identitet Fakulteta i prepoznatljivost kao promicatelja novih pristupa i tehnologija, interdisciplinarnosti i internacionalizaciji i kultivatora ekselentnosti.

Tokom 2024 pokrenute, provedene aktivnosti i postignuti rezultati u resoru međunarodne saradnje na Veterinarskom fakultetu su sljedeći:

- 7 aktivnih međunarodnih projekta (EU4AGRI (EU IPA twining), EU EuropeAID, LIFE19 GIE/NL/001016 (EC LIFE), PEVULOS (ERASMUS+ CBHE), VectorNet (EFSA/ECDC), SPA projekat (UNDP), ADEWBII (SANTE/2022/EA-OP/0001))
- 2 aktivna bilateralna sporazuma o ERASMUS mobilnosti (K171) sa Veterinarskim fakultetom Univerziteta Cluj Napoca (od 2020.) i Veterinarskim fakultetom Kafkas univerziteta (od 2023.)

¹ Ovaj izvještaj predstavlja sastavni dio glavnog Izvještaja o međunarodnoj saradnji za 2024. godinu i bit će integrisan u sveobuhvatni izvještaj o radu Univerziteta u Sarajevu za 2024. godinu. Članice UNSA mogu koristiti ovaj izvještaj za potrebe evidentiranja i izvještavanja prema menadžmentu svojih organizacionih jedinica.

- Participacija u 6 aktivnih COST akcija
- Organizirana 8 događaja sa međunarodnim karakterom (okrugli stolovi, ljetne škole, radionice, stručni skupovi I sl)
- Aktina međunarodna mobilnost (33 odlazne i 19 dolaznih)

Međunarodne mobilnosti

Međunarodne mobilnosti obuhvataju studijske posjete studenata, bilo kraće ili duže boravke, kao i studijske posjete univerzitetskog osoblja, kako nastavnog tako i nenastavnog. Cilj ovih mobilnosti je profesionalno usavršavanje, razmjena znanja i iskustava, te dijeljenje ekspertize u akademskom i stručnom kontekstu.

Broj odlaznih mobilnosti²:

- **Studenti:** 20 (CEEPUS)
- **Osoblje:** 11 (ERASMUS+ i CEEPUS)

Broj dolaznih mobilnosti³:

- **Studenti:** 10 (ERASMUS+ i CEEPUS)
- **Osoblje:** 7 (ERASMUS+ i CEEPUS)

Koje su najčešće zemlje vaši partneri za mobilnost?

Odgovor: Rumunija, Hrvatska

Koji su programi mobilnosti u kojima najčešće učestvujete i zašto?

- **Odgovor:** ERASMUS+ i CEEPUS

Veterinarski fakultet participira u VETNEST CEEPUS mreži od 2006. Godine, putem koje kontinuirano i općenito sa uzlaznim trendom se odvijaju mobilnosti studenata i osoblja. Studenti preferiraju CEEPUS odlazne mobilnosti jer su kraćeg trajanja gdje im je jednostavnije inkorporirati mobilnost u tok studija.

ERASMUS+ program mobilnosti se realizira kroz uglavnom mobilnosti osoblja, uglavnom nastavnog, također u rastućem trendu. Rast broja ERASMUS mobilnosti se uglavnom odnosi na mobilnosti putem bilateralnih sporazuma o mobilnosti (Univerzitet poljoprivrede i veterinarske medicine Cluj-Napoca, Rumunija i Kafkas Univerzitet, Turska)

Da li je i u kojim zimskim/ljetnim školama je vaša članica učestvovala?

Odgovor: Da

² **Napomena:** Molimo vas da u priloženoj Excel tabeli unesete detaljne statističke podatke o svim učesnicima u odlaznoj međunarodnoj mobilnosti. U ovoj anketi, potrebno je da unesete **ukupne zbirne podatke** iz vaše Excel tabele, uključujući ukupan broj odlaznih mobilnosti, dok će druge tražene statistike iz Excel tabele obraditi Služba za međunarodnu saradnju.

³ **Napomena:** Isto kao i za odlazne mobilnosti

Veterinarski fakultet organizuje i ugošćava svake godine ljetnu školu iz Akvakulture kroz VETNEST CEEPUS mrežu sa učešćem nastavnika i studenata iz partnerskih institucija unutar mreže.

Također studenti i osoblje Fakulteta učestvuju u ljetnim školama koje organizuju druge institucije partneri u VETNEST CEEPUS mreži:

- ljetna škola iz Zoonoza, Sveučilište u Zagrebu – Veterinarski fakultet
- ljetna škola iz Dobrobiti životinja, Univerzitet veterinarske medicine Beč
- ljetna škola iz Reprodukije životinja, Univerzitet u Ljubljani – Veterinarski fakultet

Da li vaša članica nudi predmete na engleskom jeziku (ili English-friendly)? Ako ne, da li namjeravate ponuditi, a ukoliko nudite da li namjeravate proširiti ponudu?

Odgovor: Veterinarski fakultet izvodi integrisani diplomski studij na BHS jezicima. Predmeti koji se izvode u posljednje dvije studijske godine (VI i V) se mogu ponuditi za dolazne studente u English friendly verziji. Do sada interes je bio sporadičan ali bez realizacije mobilnosti.

Postdiplomski studij III ciklusa je u potpunosti dostupan kao English friendly (mali broj polaznika – individualni pristup), te se dosad realizovalo nekoliko dolaznih međunarodnih mobilnosti sa studentima III ciklusa.

Od studijske 2024/2025 Veterinarski fakultet izvodi specijalistički studij na jednom smjeru na engleskom jeziku, a u 2024. je odobren i studij II ciklusa (master in Veterinary Public Health and Food Safety) koji je planiran da se izvodi na engleskom jeziku u cjelosti.

Ukoliko nudi predmete na stranom/im jeziku/cima, na koji način motivišete nastavno osoblje da ponude svoje predmete?

Odgovor:

Novi studijski programi na Fakultetu (dvogodišnji smjer specijalističkog studija i studij II ciklusa) su razvijeni kroz tekući projekat ERASMUS+ CBHE – PEVULOS. Ovi studijski programi se implementiraju u prvoj generaciji kao projektna aktivnost, a inače su komercijalne prirode. Prilagodba nastavnika za izvođenje nastave English friendly za predmete integrisanog studija i studija III ciklusa je u cjelosti dobrovoljna i počiva na kolegijalnosti, proaktivnosti i ambiciji nastavnika.

Da li postoji interes za proširenje saradnje sa određenim zemljama/institucijama? Ako da, koje?

Odgovor: Da

U toku je priprema aplikacije za novi ERASMUS+ projekat usmjeren modernizaciji kurikuluma integrisanog studija s ciljem međunarodne (EU) akreditacije studijskog programa kroz saradnju sa akademskim institucijama iz EU (uključujući i EU članice država Regiona) i profesionalnim udruženjima (Veterinarskim komorama) iz BiH i država Regiona.

Zapažanja i dodatni komentari?

Odgovor: bez dodatnih komentara

Međunarodni sporazumi⁴

Koliko novih međunarodnih sporazuma je vaša članica potpisala u 2024. godini (brojčano)?

Odgovor:

U tabeli ispod unosite podatke o međunarodnim sporazumima (npr. bilateralnim, Erasmus+ KA171), razne mreže (npr. CEEPUS mreže), međunarodne mreže i članstva (BUA, UNICA, itd) koji su **potpisani** u periodu 01.01.2024. do 31.12.2024. godine.

Rb.	Vrsta sporazuma	Naziv institucije / mreže	Država	Datum potpisivanja	Trajanje
1.	ERASMUS+ K171	Univerzitet poljoprivrede i veterinarske medicine Cluj-Napoca, Rumunija	Rumunija	21.5.2024	2022-2025
2.	ERASMUS+ K171	Kafkas Univerzitet, Turska	Turska	27.12.2023.	2021-2027

Dodati redove prema potrebi

Da li su neki od sporazuma posebno značajni za akademsku zajednicu?

Odgovor: Da

Bilateralni K171 ERASMUS sporazumi o međunarodnoj mobilnosti omogućavaju bolji pristup programima mobilnosti osoblju i studentima Veterinarskog fakulteta, s obzirom na limitirane opcije mjesta i institucija za ovu vrstu mobilnosti (oblast veterinarske medicine) putem međuuniverzitetskih sporazuma. Razmjene osoblja kroz mobilnost putem ovih sporazuma već su pokazale spremnost i područja za uspostavljanje i drugih oblika saradnje sa inostranim partnerskim institucijama. Tako je nakon nekoliko godina aktivne razmjene osoblja sa Veterinarskim fakultetom Univerziteta poljoprivrede i veterinarske medicine Cluj-Napoca, ostvarena posjeta tamošnjeg dekana Prof.dr. Nicodima Fit našem Fakultetu. S druge strane naši nastavnici sa nastavnim mobilnostima na Kafkas Univerzitet bili prvi dolazni nastavnici putem ERASMUS programa na ovu instituciju, što je već dovelo do interesa za povećanje obima razmjene sa ovom institucijom i u narednom periodu.

⁴ **Napomena:** Na sljedećim linkovima možete provjeriti status sporazuma koje naša Služba ima evidentirane. Molimo vas da, ukoliko primijetite da neki sporazum nedostaje, a još uvijek je aktivan, kontaktirate našu Službu kako bismo pravovremeno unijeli potrebne podatke.

- **Bilateralni sporazumi:** <https://www.unsa.ba/istrazivanje-i-saradnja/međunarodna-saradnja/bilateralni-sporazumi-o-saradnji>
- **Erasmus KA171 partneri:** <https://www.unsa.ba/istrazivanje-i-saradnja/međunarodna-saradnja/erasmus-plus/erasmus-ka171-partneri>
- **CEEPUS sporazumi:** <https://www.ceepus.info/content/find>

Da li postoje problemi ili izazovi u realizaciji međunarodnih sporazuma? (opis problema ili izazova)

Odgovor: Ne

Zapažanja i dodatni komentari:

Odgovor: Bez dodatnih komentara

Međunarodni događaji

Ovdje unosite podatke o međunarodnim dešavanjima i događajima (konferencije, radionice, seminare, itd.) održanim na vašoj instituciji u periodu 01.01.2024. do 31.12.2024. godine.

Ako je vaša članica organizovala međunarodna dešavanja, navedite nazive i kratki opis najvažnijih događaja:

Odgovor: Veterinarski fakultet je tokom 2024. godine organizovao i ugostio nekolicinu događaja međunarodnog karaktera ili sa međunarodnim učešćem.

1. Info dan o ERASMUS CBHE projektu „Razvoj inovativnog postdiplomskog nastavnog programa za veterinarsko javno zdravstvo i sigurnost hrane na području Zapadnog Balkana“, odrađan u okviru Dana otvorenih vrata Fakulteta 17.4.2024.
2. Gostujuće predavanje Prof.dr. Zorana Popovskog sa Poljoprivrednog fakulteta Univerziteta Ss Ciril i Metodije, Skoplje, R. Makedonija na temu “Molekularne tehnike u veterinarskoj medicini”, 22.4.2024.
3. Međunarodna CEEPUS ljetna škola akvakulture (Summer School in Aquaculture), održana 14.-21.7.2024.
4. Naučno-stručni skup „Gmizavci u veterinarskoj medicini“ i svečana promocija povodom dodjele nagrade Fondacije „Prof. dr. Ibrahim Arnautović“ odražani 7.11.2024.
5. IX studentski kongres “Hrana-Ishrana-Zdravlje”, 14.-16.11.2024.
6. Radionica “Prioritetne aktivnosti ka poboljšanju standarda u veterinarskom javnom zdravstvu i sigurnosti hrane na Zapadnom Balkanu” (ERASMUS+ CBHE PEVULOS projekat), održana 29.11.2024.
7. Okrugli stol “Sadržaji i izvođenje nastavnih planova studija veterinarske medicine i EAEVE standardi”, održan 29.11.2024.
8. Gostujuće predavanje Prof.dr. Anamaria Ekert Kabalin sa Veterinarskog fakulteta Sveučilišta u Zagrebu na temu “Uzgoj i proizvodnja svinja”, 2.12.2024. (online)

Ukupan broj međunarodnih događaja u 2024. godini na vašoj članici:

- Ukupan broj: 8
 - Broj organiziranih uživo: 6
 - Broj online: 1
 - Broj hibridnih: 1

Na koji način je vaša članica motivisana i podržana za organizaciju međunarodnih dešavanja (kako dolazi do fondova, ko inicira organizaciju, da li je događaj dio plana za tu godinu, i sl.)

Odgovor:

Veterinarski fakultet određene događaje međunarodnog karaktera održava tradicionalno (godišnje) poput studentskog kongresa "Hrana-Ishrana-Zdravlje" i ljetne škole iz akvakulture. Studentski kongres iniciran od Prof.dr. emeritusa Faruka Čaklovice se odvija kroz ustanovljenu saradnju sa fakultetima korespondentnog usmjerenja na temu kongresa iz Regiona i šire, tj. počiva na već uspostavljenim i operativnim modalitetima suradnje, organizacije i administracije ovog događaja. Ljetna škola iz akvakulture je dio plana ljetnih škola iz različitih oblasti u okviru aktivnosti CEEPUS VETNEST mreže u kojoj Fakultet participira od 2006.

Drugi događaji se realiziraju prema planu projektnih i drugih aktivnosti suradnje Fakulteta koji su aktivni u tekućoj godini. Dominantni izvor financiranja organizacije međunarodnih događaja su namjenska sredstva eksternih izvora (npr. CEEPUS ili budžet projekta).

Ograničen načinom odvijanja javnih nabavki i realizacije planova nabavki roba i usluga Fakultet je limitiran u realizaciji međunarodnih događaja većeg obima te se oni koji se organizuju izvan postojećih mreža i projekta realizuju interno uz entuzijazam osoblja i mobilizacijom vlastitih sredstava i ostalih resursa (prostor, tehnika i oprema)

Zapažanja i dodatni komentari:

Odgovor:

Izazovi i potrebe

Koji su najveći izazovi u oblasti međunarodne saradnje na vašoj članici?

(npr. izazovi u vezi s administracijom, budžetom, organizacijom, itd.)

Odgovor:

Rast i prepoznavanje vrijednosti međunarodne saradnje odvija se u skladu sa strateškim opredjeljenjem i neophodnosti ovog djelovanja ka unaprijeđenju, modernizaciji i kvalitetu rada naše visokoškolske institucije. Očekivanje i realizacija većeg obima svih segmenata međunarodne saradnje (mobilnosti, projekti, međunarodni sporazumi i dešavanja) zahtjeva sistemska rješenja u administraciji dodatnih napora koje ove aktivnosti sa sobom povlače. Tu prije svega ističemo potrebu za osobljem/službama na nivou Fakulteta koje bi preventivno bile zadužene za podršku realizaciji međunarodnih aktivnosti. Trenutno Fakultet ne raspolaže ovim resursima, te se međunarodna saradnja odvija kroz dodatno zalaganje nastavnog i nenastavnog osoblja te postojećih upravljačkih i administrativnih tijela koji su često i u segmentima svojih direktnih zaduženja podkapacitirani i preangažirani.

Šta bi moglo unaprijediti međunarodnu saradnju na vašoj članici?
(prijedlozi i ideje za unapređenje)

Odgovor:

Upošljavanje stručnog saradnika za međunarodnu saradnju (radno mjesto predviđeno postojećom sistematizacijom) I aktivnosti ka uspostavljanju Ureda za međunarodnu saradnju na nivou Fakulteta.

Da li su potrebne dodatne obuke ili podrška za koordinatore međunarodne saradnje?
Ako da, u kojoj oblasti?

Odgovor:

Ured za međunarodnu saradnju Univerziteta je pohvalno aktivna služba koja između ostalog redovno i kontinuirano organizuje obuke odnosno diseminira informacije.